



# SLUŽBENI GLASNIK

## OPĆINE KALESIJA

Godina: XXVIII

Ponedjeljak, 06.05.2005. godine  
K A L E S I J A

Broj: 4

### OPĆINSKO VIJEĆE

**28**

Na osnovu člana 41. stav 1. tačka 15. statuta općine Kalesija («Sl. glasnik općine Kalesija», broj 7/98) i zaključka Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja, Općinsko vijeće Kalesija na sjednici od 30.04.2005. godine, d o n o s i

#### ODLUKU

o izmjenama i dopunama Odluke o utvrđivanju naziva ulica u gradu Kalesija

#### Član 1.

U članu 1. Odluke o utvrđivanju naziva ulica u gradu Kalesija («Sl. glasnik općine Kalesija», broj 2/96), tačka 4. mijenja se tako da glasi:

»Ulica žrtava genocida u Srebrenici«, koja počinje od spoja sa ulicom Patriotske lige u užem centru grada, sa sjeverne strane i proteže se južno prema rijeci Spreči do raskršća puta za Gojčin kod podvožnjaka.

U članu 1. iza tačke 4. dodaje se tačka 4a koja glasi:

»Ulica Oslobojilaca Kalesija koja počinje od raskršća sa Ulicom Kalesijskih brigada sa sjeverne strane do raskršća sa Ulicom Patriotske lige, sa južne strane (Ulica između zgrade općine i zgrade Supermarket).«

#### Član 2.

Ova Odluka stupa na snagu danom objavljivanja u »Službenom glasniku općine Kalesija«.

Bosna i Hercegovina  
Federacije Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-1286  
Datum, 04.05.2005. godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn.s.r.

**29**

Na osnovu člana 41. Statuta općine Kalesija («Sl. glasnik općine Kalesija», broj 7/03), na prijedlog Administrativne komisije, Općinsko vijeće Kalesija na sjednici održanoj 30.04.2005. godine, d o n o s i

#### ODLUKU

o izmjenama Odluke o naknadama vijećnicima za rad i prisustvo sjednicama Općinskog vijeća Kalesija, predsjednicima i članovima Komisija i odbora za prisustvo sjednicama radnih tijela vijeća, kao i za prisustvo vjenčanjima.

#### Član 1.

U Odluci o naknadama vijećnicima za rad i prisustvo sjednicama Općinskog vijeća Kalesija, predsjednicima i članovima Komisija i odbora za prisustvo sjednicama radnih tijela Vijeća, kao i za prisustvo vjenčanjima («Sl. glasnik općine Kalesija», broj 1/98, 4/99, 5/00 i 1/01 i 5/01) u članu 3. stav 1. broj «150» mijenja se brojem «250».

## Član 2.

Ova Odluka stupa na snagu danom donošenja, a ista će se objaviti u "Službenom glasniku općine Kalesija".

Bosna i Hercegovina  
Federacije Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-1287  
Datum, 04.05.2005. godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn.s.r.

## 30

Na osnovu člana 41. Statuta općine Kalesija ("Sl. glasnik općine Kalesija", broj 7/03) i člana 7. stav 1. Odluke o općinskim priznanjima ("Sl. glasnik općine Kalesija", broj 3/02), Općinsko vijeće Kalesija na prijedlog Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja, na sjednici od 30.04.2005. godine, d o n o s i

### O D L U K U o dodjeli općinskih priznanja

## Član 1.

U znak priznanja za naročite zasluge građanima, organizacijama, institucijama i drugim fizičkim i pravnim licima koji su se istakli svojim radom, angažiranjem i rezultatima rada, jačanju i unapređenju razvoja općine Kalesija, kao i onima koji su se istakli u ratu svojim radom, angažiranjem i rezultatima na odbrani Općine i države BiH, organizaciji života i rada građana u ratnim uslovima, u povodu 23. maja – «Dana općine Kalesija», dodjeljuju se općinska priznanja kako slijedi:

## a) «Medalja sa zlatnim grbom»

01. ŽOK »Polo« Kalesija,
02. FK »Sloga« Tojšići,
03. Osmanović Senada Samed iz Tojšića.

## b) «Plaketa sa zlatnim grbom općine Kalesija»

01. Organizacija porodica šehida i poginulih boraca Kalesija,
02. Teritorijalna vatrogasna jedinica Kalesija,
03. Musić dr Asim iz Petrovica Gornjih,
04. Subašić Alje Hamid iz Kalesije Gornje,

05. Hasanović Jakuba Enes iz Miljanovaca.

## c) «Plaketa sa zlatnim ljiljanima»

01. Pezić Omera Enver iz Miljanovaca – posthumno,
02. Kuralić Osmana Mehmedalija iz Tojšića,
03. Sakić Fadila Fadik iz Kikača,
04. Imšić Hakije Nedim iz Mahmutovića,
05. Zahirović Muje Omer iz Sarača,
06. Požegić Ibrahima Ibro iz Rainaca Donjih.

## Član 2.

Uručivanje općinskih priznanja će se izvršiti na svečanoj sjednici Općinskog vijeća Kalesija 23. maja 2005. godine.

## Član 3.

Načelnik općine Kalesija će uručiti općinska priznanja «Medalju sa zlatnim grbom» i «Plaketu sa zlatnim grbom općine Kalesija», a predsjedavajući Općinskog vijeća Kalesija će uručiti općinsko priznanje «Plaketa sa zlatnim ljiljanima» dobitnicima istih.

## Član 4.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina  
Federacije Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA

Broj: 01-05-2-1288  
Datum, 04.05.2005. godine

Hata Mujčinović, dipl. ing. tehn.s.r.

## 31

Na osnovu člana 41. stav 1. tačka 2. Statuta općine Kalesija («Službeni glasnik općine Kalesija», broj 7/03), Memoranduma o razumijevanju zaključenog dana 14.03.2005. godine između Centra civilnih inicijativa, ured Tuzla i općine Kalesija, Općinsko vijeće Kalesija na sjednici održanoj dana 30.04.2005. godine, d o n o s i

**ODLUKU**

o anketi kao sredstvu za utvrđivanje prioriteta u mjesnim zajednicama

**I**

U cilju uključivanja većeg broja građana u procesu planiranja budžeta određuje se Anketa kao sredstvo za određivanje prioriteta u Mjesnim zajednicama sa područja općine Kalesija.

**II**

Anketa treba da obuhvati najmanje 20% od broja domaćinstava u svakoj mjesnoj zajednici, a proces anketiranja mora biti završen najmanje mjesec dana prije kreiranja prvog nacrt budžeta za narednu godinu. Rezultati ankete uzeće se u obzir pri raspodjeli sredstava i kreiranju nacrt budžeta, rukovodeći se kriterijumima za odabir prioriteta.

**III**

Za organizovanje i sprovođenje Ankete zadužuje se Načelnik općine i Služba za opću upravu, boračko-invalidsku zaštitu i raseljena lica uz saradnju sa organima Mjesnih zajednica.

**IV**

Sastavni dio ove Odluke su i Kriterijumi, kojim se sumiraju rezultati anketa u mjesnim zajednicama i isti služe za utvrđivanje liste prioriteta u Mjesnim zajednicama.

**V**

Zadužuje se Načelnik općine i Služba za budžet i finansije da pripreme kriterijume za određivanje prioriteta, te nakon dobijenih rezultata anketiranja informišu Općinsko vijeće.

**VI**

Ova Odluka stupa na snagu danom objavljivanja u "Službenom glasniku općine Kalesija".

**32**

Na osnovu člana 41. stav 1. tačka 2. Statuta općine Kalesija («Službeni glasnik općine Kalesija», broj 7/03), Memoranduma o razumijevanju zaključenog dana 14.03.2005. godine između Centra civilnih inicijativa, ured Tuzla i općine Kalesija, Općinsko vijeće Kalesija na sjednici održanoj dana 30.04. 2005. godine, u t v r đ u j e

**KRITERIJE**

za odabir prioritetnih projekata na nivou mjesne zajednice

**Član 1.**

Ovim kriterijima definiše se procedura po kojoj će se vršiti selekcija prioritetnih problema i kandidovanih projekata od strane mjesnih zajednica općine Kalesija.

**Član 2.**

Za svaki kriterij određen je bodovni sistem, a broj bodova koji svaki kriterij nosi dobiva se množenjem težine odnosno važnosti svakog kriterija sa ocjenom koju kandidovani projekat dobije po tom kriteriju.

**Član 3.**

Kriteriji kojima će se vrednovati svaki kandidovani projekat su sljedeći:

- Značaj projekta za građanina: - prednost se daje problemima egzistencijalnog značaja za građanina.

Težina kriterija: 5

- vodosnabdjevanje	- 10
- putevi	- 9
- kanalizacija	- 8
- poljoprivreda i stočarstvo	- 7
- električna energija	- 6
- industrija	- 5
- obrazovanje, sport i kultura	- 4
- zaštita okoliša	- 3
- sportsko-rekreacioni i turistički centri	- 2

- Teritorijalna širina i korist – prednost dati projektima od čije će realizacije korist

imati više mjesnih zajednica, odnosno općina u cjelini

Težina kriterija: 5

Moguće ocjene:

- korist od realizacije projekta ima cijela općina	- 5
- korist od realizacije projekta ima 10 i više MZ	- 4
- korist od realizacije projekta ima 3 ili više MZ	- 3
- korist od realizacije projekta ima jedna kompletna MZ	- 2

- Uticaj na zapošljavanje i dugoročna samoodrživost projekta – prednost se daje proizvodnim inicijativama čijom realizacijom će se omogućiti razvoj neke privredne grane, zapošljavanje i profit

Težina kriterija: 5

Moguće ocjene:

- broj zaposlenih veći od 10 nakon realizacije projekta	- 5
- projekat u potpunosti samoodrživ i ostvaruje profit	- 5
- nakon realizacije projekta broj zaposlenih od 5 -10- 4	- 4
- da bi postao u potpunosti samoodrživ projekt zahtjeva od općine ulaganja najmanje prve 3 godine	- 3

- Organizovanost i spremnost stanovništva da vlastitim sredstvima i zalaganjem učestvuju u realizaciji projekta

Težina kriterija: 4

Moguće ocjene:

- financijska podrška projektu od strane građana od 75%	- 10
- financijska podrška projekta od strane građana do 60%	- 8
- financijska podrška projektu od strane građana do 40%	- 5
- financijska podrška projektu od strane građana do 25%	- 3
- podrška građana samo u radnoj snazi	- 2

- Ekonomska moć stanovništva i razvijenost područja ili MZ – pri dodjeli sredstava obraća se pažnja na rubna i nerazvijena područja općine čije stanovništvo je organizovano ali nedovoljno materijalno sposobno.

Težina kriterija: 4

Moguće ocjene:

- ekonomsko-finansijski slabo i privredno ne razvijeno područje	- 5
- finansijski jako i razvijeno područje	- 2

- Ekonomski uticaj na okolinu

Težina kriterija: 4

Moguće ocjene:

- projekt smanjuje sadašnje zagađenje bilo koje vrste	- 5
- projekat nema nikakvog uticaja na zagađenje	- 3
- projekat zagađuje okolinu	- 0

NAPOMENA: Projekti koji prijete težim zagađenjem okoline ne uzimaju se u razmatranje.

- Značaj projekta za mlađu populaciju

Težina kriterija: 3

Moguće ocjene:

- realizacija projekta ima poseban značaj za omladinu	- 5
- realizacija projekta nema značaja za omladinu	- 0

- Stepenn ulaganja općine na tom području u prethodnoj godini ili periodu – daje se veća podrška područjima koja skorije nisu bila obuhvaćena kapitalnim ulaganjima.

Težina kriterija: 3

Moguće ocjene:

- nije bilo kapitalnih ulaganja u posljednjih 5 godina	- 5
- nije bilo kapitalnih ulaganja u posljednjih 4 godine	- 4
- nije bilo kapitalnih ulaganja u posljednjih 3 godine	- 3

- nije bilo kapitalnih ulaganja u posljednjih 2 godine – 2
- nije bilo kapitalnih ulaganja u posljednjoj godini – 1
- postojala su kapitalna ulaganja u posljednjoj godini – 0
- Dugoročnost projekta – značaj njegove realizacije za budućnost

Težina kriterija: 3

Moguće ocjene:

- projekat rješava potrebe zajednice narednih 15 godina – 5
- projekat rješava kratkoročne potrebe zajednice – 3

#### Član 4.

Gore navedeni kriteriji primjenjuju se na sve kandidovane projekte od strane mjesnih zajednica.

#### Član 5.

Lista koju mjesne zajednice kandiduju kao projekte prema općini Kalesija, utvrđuje se putem ankete, specifične za svaku mjesnu zajednicu.

#### Član 6.

Predstavnici mjesne zajednice na svojim sastancima vrše identifikaciju problema na području svoje mjesne zajednice iz različitih oblasti: infrastruktura, ekologija, sport i kultura, i ostalo. Nakon identifikacije problema, kreira se anketni listić na kojem će se naći svi identifikovani problemi razvrstani po navedenim oblastima. Građani se opredjeljuju za jedan od predloženih problema u okviru svake oblasti, ili u predviđenu rubriku dopisuju neki drugi problem koji smatraju prioritarnim u toj oblasti, a nije naveden u anketnom listiću.

#### Član 7.

Anketa treba da obuhvati najmanje 20% od broja domaćinstava u svakoj mjesnoj zajednici, a mora biti završena najmanje 30 dana prije kreiranja prvog nacrtu budžeta za narednu godinu. Rezultati ankete uzeće se u obzir pri raspodjeli sredstava i kreiranju nacrtu budžeta, rukovodeći se kriterijima za odabir prioriteta.

#### Član 8.

Nadležna općinska služba omogućice da svi građani budu upoznati o procesu anketiranja, primjenjujući različite metode obavještanja. Metode koje se koriste za anketiranje su: od kuće do kuće, putem pošte, telefonski, uz pomoće učenika područnih škola, putem radnika javnih preduzeća, nevladinih organizacija ili na druge načine.

#### Član 9.

Anketa mora biti kratka, precizna i razumljiva svakom građaninu, sa što je moguće jednostavnim načinom odabira prioriteta.

#### Član 10.

Ovi kriteriji su sastavni dio Odluke o anketi kao sredstvu za utvrđivanje prioriteta u mjesnim zajednicama i isti stupaju na snagu danom objavljivanja u "Službenom glasniku općine Kalesija".

Bosna i Hercegovina  
Federacije Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-1289  
Datum, 04.05.2005. godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn.s.r.

## 33

Na osnovu člana 41. Statuta općine Kalesija («Službeni glasnik općine Kalesija», broj 7/03), Općinsko vijeće Kalesija na sjednici održanoj dana 30.04. 2005. godine, d o n o s i

### PLAN ASFALTIRANJA LOKALNE PUTNE MREŽE NA PODRUČJU OPĆINE KALESIJA ZA 2005. GODINU

Općina kalesija je u proteklom periodu u okviru svoje osnovne nadležnosti razvoja i održavanja komunalne infrastrukture pridavala veliki značaj modernizaciji lokalne putne mreže, na čemu su do sada postignuti značajni rezultati .

U protekloj godini takođe je nastavljeno sa implementacijom ovih projekata, kojim je asfaltirano cca 10 km lokalnih puteva. Dio od asfaltiranih putnih pravaca u toku konačne situacije o izvršenim radovima ispostavljen u 2005. godini.

Iz tih razloga se Plan asfaltiranja lokalne putne mreže za 2005. godinu bazira na finansijskim sredstvima koja su planirana u budžetu općine Kalesija za 2005. godinu, a za sledeće putne pravce koji su već asfaltirani kako slijedi:

Red. broj	Putni pravac	Dužina km	Iznos KM
1.	MZ Tojšići – put Zulfići	1	52.000
2.	MZ Memići – put stara džamija	0,32	12.000
3.	MZ Memići – Veresike	1,10	30.000
4.	MZ Bulatovci – izlaz na M-4	0,50	19.000
5.	MZ Bulatovci – Staro Selo	1,20	37.000
UKUPNO:			150.000

Asfaltiranje gore navedenih putnih pravaca izvršeno je sufinansiranje građana u visini 50% i općine u visini od 50% finansijskih sredstava. Za otplatu po ispostavljenim izdvojiti 150.000 KM.

Modernizacija putne mreže u centru Kalesije predviđene su za rekonstrukciju Programom uređenja građevinskog zemljišta za 2005. godinu i prikazane su u sledećoj tabeli:

1.	Ulica Senada Požegića	0,20	100.000
2.	Ulica Žrtava genocida u Srebrenici	0,20	200.000
UKUPNO:			300.000

Bosna i Hercegovina  
Federacije Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

Broj: 01-05-1036

Datum, 04.05.2005. godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn.s.r.

## OPĆINSKI NAČELNIK

34

Na osnovu člana 7. tačka 3. Uredbe o jedinstvenoj metodologiji za procjenu šteta od prirodnih i drugih nesreća («Službene novine Federacije BiH», broj 75/04) i člana 56. Statuta Općine Kalesija («Službeni glasnik Općine

Kalesija» broj 7/03), Općinski načelnik dana 25.01.2005. godine, d o n o s i

### ODLUKU

o obrazovanju Općinske komisije za procjenu šteta od prirodnih i drugih nesreća

#### Član 1.

U Općinsku komisiju za procjenu šteta od prirodnih i drugih nesreća imenujem:

1. Husarić Senadu, dipl. ing. arhitekture, za predsjednika,
2. Hamzić Fadila, dipl. ing. poljop., za člana,
3. Mešić Ismet, dipl.ing. mašinstva, za člana,
4. Zulić Zarka, dipl. ing. geologije, za člana,
5. Selimović Samira, dipl.ecc. za člana.

Komisija se imenuje na mandat od četiri godine.

#### Član 2.

Zadaci Općinske komisije su slijedeći:

1. Obrazuje potreban broj stručnih komisija za procjenu šteta (u daljem tekstu: stručna komisija) i svakoj toj komisiji određuje područje na kojem će vršiti procjenu šteta, a prema potrebi, naročito kada se radi o manjim štetama, i sama neposredna vrši poslove procjene štete,
2. određuje rok do kojeg se mora završiti procjena šteta,
3. brine se o pravilnoj primjeni ove Uredbe,
4. objedinjava rad svih stručnih komisija na području Općine i tim komisijama pruža potrebnu stručnu pomoć,
5. izrađuje zbirni izvještaj o procjenjenim štetama na području Općine i dostavlja ga prvo Općinskom štabu civilne zaštite radi upoznavanja i davanja mišljenja a potom Općinskom načelniku na razmatranje,
6. izvještaj usvojen od strane Općinskog vijeća dostavlja Federalnom zavodu u roku od 15.dana od dana usvajanja, a jedan primjerak izvještaja dostavlja Kantonalnoj komisiji,
7. prati korištenje sredstava koja su dodijeljena za saniranje i otklanjanje posljedica koje su nastale od prirodne ili druge nesreće i o tome izvještava Općinskog načelnika.

## Član 3.

Za rad komisije odgovarajuća materijalno-tehnička sredstva će obezbjeđivati Služba za poduzetništvo i budžet, a stručne, administrativne i druge poslove Služba civilne zaštite. Mala sala Općinskog vijeća se određuje kao prostor gdje će komisija obavljati administrativne i druge poslove nakon prikupljanja podataka o procjeni šteta.

## Član 4.

Općinska i stručne komisije poslove iz svoje nadležnosti vrše u punom sastavu i o svom radu vode zapisnik koji moraju potpisati svi članovi komisije.

## Član 5.

Članovima Općinske komisije za procjenu šteta i članovima stručnih komisija za rad u komisijama pripada naknada u skladu sa Odlukom Općinskog načelnika o plaćanju rada u komisijama.

Ova naknada pripada samo za vrijeme kada komisije vrše poslove iz svoje nadležnosti.

## Član 6.

Ova Odluka stupa na snagu danom donošenja i objavit će se u «Službenom glasniku općine Kalesija».

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-44-295/05  
Datum, 07.02.2005.godine

OPĆINSKI NAČELNIK

Rasim Omerović dipl.ing.šum.s.r.

**35**

Na osnovu člana 7. tačka 3. Uredbe o jedinstvenoj metodologiji za procjenu šteta od prirodnih i drugih nesreća («Službene novine Federacije BiH», broj 75/04) i člana 56. Statuta Općine Kalesija («Službeni glasnik općine Kalesija» broj 7/03.) Općinski načelnik dana 25.01.2005. godine, d o n o s i

**ODLUKU**

o izmjenama i dopunama Odluke o obrazovanju Općinske komisije za procjenu šteta od prirodnih i drugih nesreća

## Član 1.

U članu 1. Odluke o obrazovanju Općinske komisije za procjenu šteta od prirodnih i drugih nesreća, («Sl. glasnik općine Kalesija» br: 4/05), pod rednim brojem 3. umjesto Mešić Ismet, treba da stoji Halilčević Fahrudin, a pod rednim brojem 6. umjesto Selimović Samira, treba da stoji Karić Ismet.

## Član 2.

Ova Odluka stupa na snagu danom donošenja i objavit će se u «Službenom glasniku općine Kalesija».

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-44-295-2/05  
Datum, 25.04.2005.godine

OPĆINSKI NAČELNIK

Rasim Omerović dipl.ing.šum.s.r.

## *S a d r Ź a j*

<b>OPĆINSKO VIJEĆE</b>	<b>Strana</b>	<b>OPĆINSKI NAČELNIK</b>	<b>Strana</b>
28. Odluka o izmjenama i dopunama Odluke o utvrđivanju naziva ulica u gradu Kalesija .....	53	34. Odluka o obrazovanju općinske komisije za procjenu šteta od prirodnih i drugih nesreća .....	58
29. Odluka o izmjenama i dopunama Odluke o naknadama vijećnicima za rad i prisustvo sjednicama Općinskog vijeća Kalesija, predsjednicima i članovima Komisija i odbora za prisustvo sjednicama radnih tijela Vijeća, kao i za prisustvo vjenčanjima .....	53	35. Odluka i izmjenama i dopunama Odluke o obrazovanju općinske komisije za procjenu šteta od prirodnih i drugih nesreća .....	59
30. Odluka o dodjeli općinskih priznanja ...	54		
31. Odluka o anketi kao sredstvu za utvrđivanje prioriteta u mjesnim zajednicama .....	54		
32. Kriteriji za odabir prioriternih projekata na nivou mjesne zajednice .....	55		
33. Plan asfaltiranja lokalne putne mreže na području općine Kalesija za 2005. godinu .....	57		